





1613
30

LETTRES

ENVOYÉES

AV ROY ET A LA

ROYNE, 32

Par l'Assemblée de Grenoble.

M. DC. XV.

Case

F

39

326

1615 Ef

THE NEWSPAPER
LIBRARY

SIRE,

Comme nous estions sur le point de vous rendre compte selon nostre deuoir de la seconde despelche que nous auons receuë de Monseigneur le Prince, par laquelle il nous conuie comme bons François à nous ioindre avec luy aux desirs qu'il tesmoigne auoir par la declaration qu'il a faict presenter à vostre Majesté, & dont il nous a enuoyé la copie, de remedier aux desordres de l'Estat, & aux maux qu'il dict preuoir de la precipitation du mariage de vostre Majesté, nous auons appris qu'elle estoit partie avec la Royne vostre mere pour s'acheminer audit voyage. Ce qui nous a faict non sans douleur & esbahissement aduancer la despelche du sieur de Brislon, par la

A ij

bouche duquel, SIRE, vous ferez plus particulièrement informé des sentimens de ceste Assemblée sur ce faict, & en icelle generally de vos tres-humbles & fideles subiects de la Religion, qui par nous ne peuvent dissimuler à vostre Majesté la douleur qu'ils ont de voir preualoir auprès de vous vne resolution contre l'aduis general des Princes de vostre sang, principaux Officiers de vostre Couronne, & de la plus grande & saine partie de vos subiects : En quoy, SIRE, non seulement comme estans de la Religion (& qui comme tels pouuons prendre pour veritables & particulieres considérations vn particulier interest en cest affaire) mais aussi comme bons François & fideles subiects nous osons plus ardemment reiterer icy à vostre Majesté nos tres-humbles requestes, à ce qu'il luy plaise faire tres bonne &

grande consideration sur les instances de mondict Seigneur le Prince, & sur nos tres-humbles & tres-ar-
dantes supplications, pour accorder quelque reformation aux desordres de l'Estat, desquels la douleur si generale luy est vn presage de ruine, ensemble sur le surfoiement & dilayement de vostre Majesté, puis que par vn sentiment vniuersel de tous vos subiects l'on remarque que la precipitation d'icelle porte tant d'alteration aux anciens Alliez de vostre Couronne, tant de larmes, de deffiances, & de douleurs dans la plus grande & saine partie de vos subiects, qui peuuent en fin interrompre le cours du repos & de la tranquillité de vostre Royaume, & en suite empescher l'accroissement de vostre autorité & l'affermissement de vostre regne, où nostre principale visee tend apres la gloire de Dieu & la liberte de nos

consciencés. SIRE, le mesme Dieu qui nous commande la fidelité & l'obeissance enuers nos Roys requiert aussi d'eux vn amour paternel enuers leurs subiets: & comme nous ressentons fermement le premier engraué dans nos cœurs, aussi attédons-nous auident en ce sujet de vostre Majesté les doux effects del'autre enuers nous. Et comme encores en cela, SIRE, vous imitez & secondez la bonté & prudence de ce grand Roy vostre pere, qui bien souuent s'est relasché de ses desseins, voire de ses propres affections pour deferer aux vœux & aux cōseils de ses seruiteurs, & à la voix de son peuple: ainsi aussi suiurons-nous les traces de nos deuanciers tres-fideles subiets des Roys vos predecesseurs, voire s'il se peut nous les surpasserons en ce deuoir, pour tesmoigner à vostre Majesté au peril de nos vies, biens & honneurs,

que nous sommes veritablement,

SIRE,

Vos tres-humbles subiets
& seruiteurs.

De Grenoble ce 23. Aoust 1615.

A LA ROYNE.

MADAME,
Vostre Majesté apprendra
particulierement par la bouche du
sieur de Brisson quel est le sujet de
son enuoy de la part de ceste Assem-
blee vers le Roy. C'est pourquoy
pour ne vous ennuyer dauantage
nous nous restraindrons à la tres-
humble supplicatio que nous osons
faire icy à vostre Majesté de vouloir
en ceste occasion se tesmoigner non
seulement mere du Roy, mais aussi
de l'Estat, le bien duquel estant si ne-
cessairement lié à la sacree personne,
nous nous promettons que vostre
Majesté aura les mesmes sentimens

pour l'un comme pour l'autre, & que
 vostre bonté se sentira en fin esmeüe
 par la voix du peuple, qui est celle de
 Dieu, ce que nous esperons d'autant
 plus que vostre Majesté depuis la
 mort du feu Roy a rendu des preu-
 ves signalees de son affection singu-
 liere au bien de l'un & de l'autre. Que
 si le bonheur de tous les deux, MA-
 DAME, permet que vostre Majesté
 vueille en faire bonne cōsideration,
 Dieu exauçât en cela nos vœux tres-
 ardans, ce fera vn surcroist d'obliga-
 tion que vous aura tout ce Royau-
 me, & dans laquelle nous prendrons
 particulièrement telle part, qu'il ne
 nous restera à l'aduenir aucun soin
 plus grand ny desir plus violent que
 de tesmoigner à vostre Majesté par
 toute sorte d'obeissance & tres hum-
 ble seruice, que nous sommes,

MADAME,

Vos tres-humbles seruiteurs.



